



UDRUŽENJE/UDRUGA PSIHIJATARA U BOSNI I HERCEGOVINI
УДРУЖЕЊЕ ПСИХИЈАТАРА У БОСНИ И ХЕРЦЕГОВИНИ
PSYCHIATRIC ASSOCIATION OF BOSNIA-HERZEGOVINA

IZVJEŠTAJ O RADU

UDRUŽENJA PSIHIJATARA U BOSNI I HERCEGOVINI

za period novembar 2013. - novembar 2014.

A. UVODNE NAPOMENE

U ovom izvještaju, kojeg su pripremili **Generalni sekretari** Udruženja psihijatara u BiH (UPuBiH), *doc. dr sc Alma Džubur Kulenović i Dr. Goran Račetović*, izneseni su rezultati rada u periodu između dvije Generalne Skupštine Udruženja, odnosno za period **novembar 2013 - novembar 2014**.

U proteklih godinu dana fokusirali smo se na realizaciju aktivnosti iznesenih u dvogodišnjem *Planu aktivnosti UPuBiH (2013-2014)* koji je prezentovan na Generalnoj skupštini UPuBiH održanoj u Mostaru 2013. godine.

Ovaj Izvještaj sastoji se iz **pet** (5) komponenti:

1. **PROMOCIJA I ČLANSTVO** u UPuBiH
2. **STRUČNI SKUPOVI** u Bosni i Hercegovini
3. *Svjetska psihijatrijska asocijacija-WPA i UPuBiH*
4. **SARADNJA** sa drugim asocijacijama psihijatara
5. **INFORMISANJE** članstva i javnosti



UDRUŽENJE/UDRUGA PSIHIJATARA U BOSNI I HERCEGOVINI

УДРУЖЕЊЕ ПСИХИЈАТАРА У БОСНИ И ХЕРЦЕГОВИНИ

PSYCHIATRIC ASSOCIATION OF BOSNIA-HERZEGOVINA

B. IZVJEŠTAJ O RADU UPUBiH 2013-2014

1. PROMOCIJA I ČLANSTVO u UPUBiH

I tokom prethodnog perioda, nastavili smo sa aktivnom promocijom našeg Udruženja u zemlji, ličnim ili službenim inicijativama, na stručnim događajima u zemlji i okruženju, što je pokazalo pozitivne rezultate u pravcu interesa za produžetak članstva ili učlanjenje u naše Udruženje. Tako je i u 2014. godini najveći dio članova produžio svoje članstvo ali je i određeni broj novih koleginja i kolega, sada iz skoro svih ustanova zaštite mentalnog zdravlja u našoj zemlji, postao članom UPUBiH, prepoznavši njegove vrijednosti, kao kohezivne strukovne snage. Broj članova UPUBiH, sa 01.11.2014. je **165**, što predstavlja oko trećinu svih psihijataru u BiH. UPUBiH je okupilo sve profesore i docente bosansko-hercegovačkih Medicinskih fakulteta (Sarajevo, Banja Luka, Tuzla, Foča i Mostar), ali i načelnike/direktore gotovo svih Klinika, Zavoda, Instituta, te bolničkih odjeljenja, kao i najvećeg broja Centara za mentalno zdravlje u BiH. Svakako, i veliki broj koleginja i kolega iz tih Ustanova je prihvatio ciljeve UPUBiH i postao članom Udruženja. Posebno smo obradovani porastom interesa za učlanjenje *mladih psihijataru/neuropsihijataru i doktora medicine na specijalizacijama iz psihijatrije/neuropsihijatrije (preko 40)*. Udruženje je dalo preporuke mladim kolegama za edukativne cikluse (aplikacija za Fellowship EPA za Kongres u Minhenu i 110. Kongres Japanskog društva za psihijatriju i neurologiju, te pisma preporuke kolegama za sticanje zvanja primarijus).

Svaki novi član dobio je informacije o **relevantnim dokumentima UPUBiH** (Statut, Izmijenjeni i dopunjeni Statut, Poslovnik o radu Skupštine i Pravilnik o radu Suda časti UPUBiH) koji su članovima UPUBiH, uz najbitnije etičke dokumente dostupni na web stranici Udruženja, uz Dopune Statuta iz 2010, kao i Izvještaji o radu UPUBiH (2010-2013). Godišnja redovna, Četvrta sjednica Generalne skupštine UPUBiH održana je u Mostaru u novembru 2013., na kojoj su usvojeni dodatni dokumenti UPUBiH.

U toku godinu dana održan je **jedan** sastanak Rukovodstva UPUBiH (Predsjedništvo zajedno sa Generalnim sekretarima), na kojem su razmatrana aktuelna pitanja u UPUBiH.



UDRUŽENJE/UDRUGA PSIHIJATARA U BOSNI I HERCEGOVINI

УДРУЖЕЊЕ ПСИХИЈАТАРА У БОСНИ И ХЕРЦЕГОВИНИ

PSYCHIATRIC ASSOCIATION OF BOSNIA-HERZEGOVINA

2. STRUČNI SKUPOVI u BOSNI I HERCEGOVINI

U ovom segmentu osvrnućemo se na organizaciju i koorganizaciju drugih skupova psihijatara u BiH.

a. U PuBiH je u 2014. godini nastavilo sa **koorganizacijom** drugih skupova u BiH. Prvi od njih je **Osmi Simpozij biološke psihijatrije/psihofarmakologije BiH**, organizovan od strane *Udruženja za biološku psihijatriju/psihofarmakologiju u Federaciji BiH (UBPPFBiH) i Klinike za psihijatriju KCU Sarajevo*, čiji je U PuBiH koorganizator već petu godinu, sa aktivnim učešćem predavača iz reda U PuBiH i pravovremenim i potpunim obavještavanjem svih članova U PuBiH ali i drugih profesionalaca iz oblasti mentalnog zdravlja u zemlji i regionu o ovom značajnom stručnom skupu u našoj zemlji. Simpozijum se održao u *Sarajevu, aprila 2014.* i bio je međunarodnog karaktera, okupivši oko 100 učesnika iz cijele zemlje, koji su najvećim dijelom i članovi U PuBiH. Posebno smo zahvalni Predsjedniku UBPPFBiH, *prof. Abdulahu Kučukaliću*, koji je i jedan od potpredsjednika U PuBiH, kao i ostalim članovima Organizacionog odbora i rukovodstva UBPPFBiH, što je članovima U PuBiH i na ovogodišnjem Simpozijumu olakšano učešće *redukovanjem iznosa kotizacije za 50%*, kao i prethodnih godina.

U Mostaru smo bili koorganizator tradicionalnog Simpozijuma **Jedanaesta Mostarska psihijatrijska subota**, koji se održao početkom *juna 2014.* godine. I ove godine smo imali izvrsnu saradnju u koorganizovanju ovoga skupa saradnjom sa *glavnim organizatorima, mostarskim Medicinskim fakultetom i Klinikom za psihijatriju SKB Mostar*. Osobito nam je drago jer su svi predavači iz BiH članovi U PuBiH, a Generalni sekretari U PuBiH bili su glavni nosioci logističke pomoći organizovanju i održavanju ovog značajnog regionalnog simpozijuma sa međunarodnim učešćem, koji je imao tradicionalno dobru posjećenost (**više od 120 učesnika**).

Početkom novembra 2013. godine održan je tradicionalni godišnji simpozijum našeg Udruženja XII Psihijatrijski dani u Bosni i Hercegovini, koji je imao međunarodni karakter i na kome je najveći dio učesnika (od njih 130) dio U PuBiH. Na ovome simpozijumu naši članovi imali su popust na kotizaciju u iznosu 50-75% a Simpozijum je održan od patronatom Evropske psihijatrijske asocijacije, uz održavanje EPA kursa KME, kao nastavka dobre saradnje sa EPA.



UDRUŽENJE/UDRUGA PSIHIJATARA U BOSNI I HERCEGOVINI

УДРУЖЕЊЕ ПСИХИЈАТАРА У БОСНИ И ХЕРЦЕГОВИНИ

PSYCHIATRIC ASSOCIATION OF BOSNIA-HERZEGOVINA

3. SVJETSKA PSIHIJATRIJSKA ASOCIJACIJA-WPA i UPUBiH

Udruženje psihijatara u BiH (UPuBiH) nastavilo je sa aktivnom saradnjom sa **Svjetskom psihijatrijskom asocijacijom (WPA)**, kao jednim od važnih ciljeva internacionalne promocije Udruženja, ali i bosanskohercegovačke psihijatrije izvan regionalnih okvira. To je svakako i prepoznato u toj krovnoj asocijaciji nacionalnih psihijatrijskih asocijacija, **čiji je UPUBiH punopravan član, zajedno sa još 138 asocijacija.**

Članarina za WPA uplaćena je pravovremeno, čime je potvrđen status svakog člana UPUBiH kao člana WPA, a uplatom članarine ispunjeni su **uslovi** za učešće našeg delegata na *Generalnoj skupštini WPA na Svjetskom psihijatrijskom kongresu u Madridu/Španija*. Ove godine je na Generalnoj skupštini WPA, održanoj 16. septembra 2014. kao Voting delegate bio dr Goran Račetović, Generalni sekretar UPUBiH, a naše Udruženje je na glasačkom dijelu Skupštine imalo 5 glasova. Tokom Generalne skupštine u Madridu izabrani su novi članovi rukovodećih tijela WPA, te je prof. Dinesh Bhugra iz Velike Britanije (koji je bio voditelj kursa u Mostaru 2013) sada novi predsjednik WPA (2014-2017), dok je nova Izabrana buduća predsjednica profesorka Helen Herrman iz Australije (za period 2017-2020). Novi predstavnik Zone 9, kojoj pripada i naše Udruženje je doc. Stojan Bajraktarovski iz Makedonije.

U toku 2014. godine, na osnovu poslano dokumentacije iz WPA dali smo mišljenje o **saglasnosti za aplikaciju** nekoliko asocijacija za statuse punopravnih ili pridruženih članica WPA.

Kao ranije ustanovljena odluka, i u 2014. godini, nastavili smo sa redovnim **obavještavanjima Zonalnog Predstavnika WPA** za našu Zonu, Zonu 9, *prof. Jiri Raboch-a* iz Češke Republike o našim aktivnostima u zemlji i vanje, transparentno prema WPA, Zoni 9 WPA i članstvu UPUBiH, i od njega smo dobili usmene pohvale, uz redovna Zonalna obavještavanja. Sa istom praksom smo nastavili i od septembra 2014, nakon što je izabran novi Zonalni predstavnik za našu Zonu 9.

Posebno smo radosni jer smo redovno davali **kontinuirani doprinos** segmentu WPA, **WPA Media Channels**, naročito u dijelu **WPA News**, u kome su članovi svih asocijacija mogli pročitati izvještaje sa zbivanja u BiH. Elektronske primjerke WPA E-bulletin-a i WPA News smo redovno distribuisali svim našim članovima, kao i oficijalni časopis WPA, **World Psychiatry**.

Članovi UPUBiH se kontinuirano podstiču na učlanjenje u neku od sekcija WPA, sa tendencijom našeg šireg uključivanja u rad WPA.



UDRUŽENJE/UDRUGA PSIHIJATARA U BOSNI I HERCEGOVINI

УДРУЖЕЊЕ ПСИХИЈАТАРА У БОСНИ И ХЕРЦЕГОВИНИ

PSYCHIATRIC ASSOCIATION OF BOSNIA-HERZEGOVINA

WPA je podržala održavanje godišnjeg simpozijuma UPUBiH, XIII Psihijatrijskih dana BiH i odobrila ko-sponzorstvo našem najznačajnijem skupu u ovoj godini.

4. SARADNJA sa DRUGIM ASOCIJACIJAMA PSIHIJATARA

U ovom dijelu izvještaja osvrnućemo se na saradnju sa Evropskom psihijatrijskom asocijacijom (EPA), s jedne, i drugim regionalnim asocijacijama psihijatara, s druge strane.

a. UPUBiH je tokom 2014. imalo izuzetno aktivnu ulogu u saradnji sa EPA, na više polja, a prije svega kroz EPA Savjet Nacionalnih asocijacija/Društava psihijatara. Ove godine smo imali delegata na Vanrednoj i Generalnoj skupštini EPA (Minhen, mart 2014.) a na 22. EPA Kongresu u Minhenu (mart 2014) imali smo zvaničnog delegata na sastanku Savjeta nacionalnih asocijacija psihijatara koje su članice EPA. I ovom EPA Kongresu prisustvovali su članovi UPUBiH, sa aktivnim učešćem u različitim dijelovima Naučnog programa. Godišnju članarinu za EPA uplatili smo pravovremeno. Osim toga, EPA je odobrila patronat XIII Psihijatrijskim danima kao i akademski KME EPA kursa tokom simpozijuma, kao dijela intenzivne međusobne promocije UPUBiH i EPA i naših aktivnosti, te podržala naše napore oko sve intenzivnije vidljivosti UPUBiH na evropskoj psihijatrijskoj sceni. Učestvovali smo i u drugim EPA aktivnostima usmjerenim ka udruženjima psihijatara koja su članice EPA.

b. Svakako da nismo zanemarili saradnju sa **regionalnim asocijacijama psihijatara**. Kontinuitet saradnje sa **Hrvatskim psihijatrijskim društvom** i **Udruženjem psihijatara Srbije** je nastavljen, uz poziv predavača iz redova UPUBiH na značajnije skupove u Srbiji ili Hrvatskoj, kao i participacijom članova UPUBiH na njihovim stručnim skupovima, sa dvosmjernom putanjom, dolaskom i učestvovanjem pozvanih predavača iz nama susjednih zemalja na skupovima u BiH.

Nastavili smo započete bliže veze i aktivnu participaciju u radu regionalne **Asocijacije zemalja Istočne Evrope i Balkana (PAEEB)**, te Danubine.

Posebno se može istaknuti aktivan nastavak međusobne saradnje sa Turskim društvom za psihofarmakologiju, kada je u oktobru 2014 oko 35 učesnika iz BiH (mahom iz UPUBiH) učestvovalo na Drugom zajedničkom simpozijumu psihijatara u BiH i Turskoj, održanom u Istanbulu/Turska. Na ovom simpozijumu gosti su bili i članovi Bugarske psihijatrijske asocijacije. Četiri naša profesora održali su predavanja a cjelokupni simpozijum je protekao u izuzetno dobroj atmosferi i odličnoj organizaciji ovoga skupa.



UDRUŽENJE/UDRUGA PSIHIJATARA U BOSNI I HERCEGOVINI

УДРУЖЕЊЕ ПСИХИЈАТАРА У БОСНИ И ХЕРЦЕГОВИНИ

PSYCHIATRIC ASSOCIATION OF BOSNIA-HERZEGOVINA

5. INFORMISANJE ČLANSTVA I JAVNOSTI

Ovaj, završni dio Izvještaja o radu UPuBiH 2012, obuhvatiće informacije o web stranici Udruženja, kontinuitet obavještavanja članova UPuBiH i informisanje javnosti u BiH o UPuBiH i drugim pitanjima relevantnim za razvoj mentalnog zdravlja u našoj zemlji.

a. Kontinuirano smo obogaćivali sadržaje **web stranice UPuBiH**, www.upubih.com, kao važne karike informisanja o UPuBiH ali i njegove šire promocije. U sklopu kooperacije i dogovorene promocije ostalih udruženja redovno smo postavljali i informacije o njihovim događajima, radi bolje informisanosti naših članova i njihovog uključivanja i učestvovanja na različitim međunarodnim stručnim događajima. **UPuBiH i u 2014. finansijski podržava sponzor za održavanje stranice**, kao dio razumijevanja za napore i značaj UPuBiH u našoj zemlji. Svakako da će sadržaji web stranice biti obogaćivani i dalje, za šta će nam trebati **angažman svakog od članova UPuBiH**.

b. Kao i u posljednje tri godine, i u 2014. nastavili sa **redovnom i transparentnom informisanošću svih** naših članova o svim relevantnim zbivanjima u BiH i svijetu, uz omogućavanje dostupnosti člancima iz više časopisa (*World Psychiatry, Journal of Affective Disorders, European Psychiatry, Early Interventions in Psychiatry*, i drugi), redovno slali dopune ranijih obavijesti o zbivanjima u psihijatriji ili o novije najavljenim događajima u ovoj godini. Kao i prije (sada već tradicionalno) krajem 2013. godine svaki član UPuBiH dobio je pristup **Listi internacionalnih događaja za 2014**, na web stranici Udruženja, sa oko 30 važnijih događaja u Evropi i u svijetu, uz stalne dopune i već najavljenih događaja ili najave onih koji su van te liste. Tako su naši članovi mogli pravovremeno planirati svoja učešća na ovim događajima i tokom godine je UPuBiH imao svoje predstavnike/učesnike na većini tih događaja, sa nizom aktivnih učesnika, koji su prezentovali svoja postignuća iz prakse u BiH. Sa tom praksom svakako planiramo nastaviti, a Lista za 2015. se dovršava i priprema za slanje članovima UPuBiH. Taj način komunikacije sa članovima pokazao se tradicionalno dobrim i jedinstvenim u našoj regiji, te je jedan od važnih činilaca popularnosti UPuBiH među psihijatrima u BiH.

O našim aktivnostima pravovremeno smo **obavještavali ili su o UPuBiH aktivnostima izvještavali pisani i elektronski mediji** (eZdravlje, epssa, TV i druge novinske kuće), a za događaje u BiH smo formirali i najave događaja preko internetske društvene grupe Facebook.

c. Kao od prethodnih godina zacrtani cilj, *Udruženje će i dalje kontinuirano pratiti sve događaje u BiH vezane za psihijatrijsku profesiju i adekvatno reagovati u svim slučajevima gdje procijenimo da treba spriječiti kršenja ljudskih prava korisnika psihijatrijskih usluga i profesionalaca u mentalnom zdravlju, različite vrsta ataka i pritisaka na psihijatrijsku struku, zloupotrebu psihijatrije od strane pojedinaca, institucija i medija i slično, a u cilju očuvanja digniteta psihijatrije kao struke i psihijatara kao stručnjaka za tu oblast.*



UDRUŽENJE/UDRUGA PSIHIJATARA U BOSNI I HERCEGOVINI

УДРУЖЕЊЕ ПСИХИЈАТАРА У БОСНИ И ХЕРЦЕГОВИНИ

PSYCHIATRIC ASSOCIATION OF BOSNIA-HERZEGOVINA

C. ZAVRŠNE NAPOMENE

UPuBiH se **zahvaljuje** svim svojim članovima na kontinuitetu članstva i svim novim članovima, koji su prepoznali našu pozitivnu ideju dobre promocije bosanskohercegovačke psihijatrije, ali i umrežavanja psihijatara u našoj zemlji, sa ciljem daljeg unapređivanja i naše prakse i našeg Udruženja.

Ovaj Izvještaj o radu UPuBiH biće **prezentovan** tokom Generalne skupštine UPuBiH u Mostaru, 7. novembra 2014. godine i **dostupan** svim članovima UPuBiH na uvid i pregled na internetskoj stranici UPuBiH, www.upubih.com.

Mostar, 1. novembar 2014.

Generalni sekretari UPuBiH